

Oqaluuserisassanut nassuiaat.

(Inatsisartut Siulittaasuut)

Aallaqqaasiutigalugu paasissutissiissutigissavara ippassaq ulloq 1. maj 2024 Namminersornerulernerup ulloq 1. maj 1979 eqqunneqartup ukiunik 45-unngortorsiornera taamatullu aamma Nersornaatip 1. maj 1989 eqqunneqartup ukiunik 35-inngortorsiornera aamma nassiussigatsigit.

Ullumimut oqaluuserisassanut nassuiaammut atatillugu paasissutissiissutigineqarsinnaavoq oqaluuserisassani immikkoortut 49 aamma 54 UKA2024-mut kinguartinneqarmata.

Immikkoortup 49-p qulequtaraa: Nunatsinni nerisassiarineqartut pisiniarfinni akiinut suut tunngaviusarnerat pillugu Naalakkersuisut nassuiaasiornissamik peqquneqarnissaannik Inatsisartut aalajangiiffissaattut siunnersuut. Nioqqutissat akitigut pisisartunut pilerinarnerulersinniarlugit qanoq iliortoqarsinnaanera nassuiaammi ilanngullugu tikkuarneqassaaq. Nassuiaat kingusinnerpaamik UKA2024-mi saqqummiunneqarsimassaaq.

Immikkoortup 54-ip qulequtaraa: Inatsisissatut siunnersuutinik suliaqartarnek pillugu malitassiat atuuttut allanngortinneqarnissaat pillugu Naalakkersuisut peqquneqarnissaannik Inatsisartunut aalajangiiffigisassatut siunnersuut, taamaalilluni inatsisissatut siunnersuutip nassuiaataani, nunat tamat akornanni pisussaaffinnut nunat tamat akornanni Kalaallit Nunaanni Namminersorlutik Oqartussat malitassaanni pisussaaffinnut tunngatillugu inatsisissatut siunnersuummi nassuiaasiortoqartassalluni, tassani immikkut inuit pisinanatitaaffiinnut aamma nunap inoqqaavisa pisinnaatitaaffiinnut tunngatillugu. Naalakkersuisut suleriaasiat nutaaq ulloq 1. januar 2025 atuutilissaaq.

Immikkoortup 10-p oqaluuserineqarnissaa maajip ulluisa 28-annut kinguartinneqarpoq.

Immikkoortup 10-p qulequtaraa: Aningaasaqarnikkut ingerlatsineq pillugu nalunaarut 2024.

Ulloq 30. april ataatsimiinnitsinni oqaluuserisassani immikkoortoq 88 angumerinngitsoorparput, taamaattumillu ullumi ataatsimiinnermi oqaluuserineqartussatut ingerlateqqinneqarluni.

Immikkoortup 88-ip qulequtaraa: Nunarput Folketingimut sulii aallartitaqassarnersoq pillugu oqallisissiatut siunnersuut.

Ullumi ataatsimiinnermi matoqqasumik oqaluuserineqartussamik immikkoortumik 16-imik nutaamik oqaluuserisassanut ilanngussisoqarpoq.

Immikkoortup 16-ip qulequtaraa: Siulittaasoqarfimmut ataatsimiititalianullu ilaasortassanik ilassusiilluni qinersineq.

Siunnersuuteqartup oqaluuserisassaatinu immikkoortutut 55-itut normulik tunuartippaa.

Immikkoortup 55-ip qulequtaraa: Meeqqanut inuusuttuaqqanullu ulloq unnuarlu angerlarsimaffimmik pilersitsiniarnermi, angerlarsimaffiit qanoq ittut, qanorlu perorsaariaasillit Nunatsinnut tulluartaunersut suullu piumasaqaatigissanerigut pillugit apeqquteqaat aallaavigalugu oqallinnissamik siunnersuut.

Uku akornanni taasisarnerit pillugit isumaqatigiissuteqartoqarpoq:

Harald Bianco, Inuit Ataqatigiit aamma Knud Mathiassen, Naleraq.

UPA 2024/2

J. nr. 01.25.01/24UPA-LABU-00002